

Awor ta fraude cu covid test na hospital; Fraude di paptest a bay den doofpot?



**Discision pa permiti carnaval ta
trece cune cu**

**Per direct mester kita
tur medida, habri tur bar,
snack truck y horeca bek
sin tardansa**



**Gobierno a
fiha prioridad
robes pa cu
parada di
carnaval ?**



**Problema
na Plaza
Daniel Leo
NO ta cu
Taskforce**



**Mucha muher di
14 aña a ser laga
su so atras 3'or
di madrugada e
tanki di Alto Vista**



24/7 SERVICE

**For URGENT
Dental Emergencies
please call**

**+297 585-3255
+297 592-9398**

**Conrado Bermudez
DENTAL SOLUTIONS**



NOMBER Y FAAM: _____

ADRES: _____

TELEFON: _____

ABONADO SI ☐ **No** ☐

TA ANUNCIA GANADOR DIA 14 FEBRUARI 2022

CORTA E COUPON Y ENTREGA NA OFICINA DI SOLO DI PUEBLO,

EDIFICIO COLOR SHINISHI MEI MEI DI KFC Y TACO

BOBELL NA STA CRUZ.

COUPON
✂️

A.P.A. a inverti 1.6 miyon florin den draga e canal di waf

Preparando pa yegada di un di e cruceronan mas grandi di mundo

– 10 di februari 2022: Na waf ta tumando luga preparacion pa yegada di un barco grandi di e cadena Royal Caribbean. E trabou mes no a cuminsa ainda, sino mas bien e preparacionnan. E barco mes ta yega e fin di siman aki p'asina e trabou mes cuminsa. Tur trabou preparativo tumando luga ta pa por acomoda e barco Oasis-Class, cu ta un mega crucero di Royal Caribbean.

E proyecto aki ta encera hacimento di limpieza di e canal di e ultimo kade di APA, na un distancia di 100 meter bin abou di e ultimo pier. E proyecto ta un joint venture di e compania local Varadero Caribe y Ocean Group di Canada. Nan lo ehecuta e trabou, haci limpieza di mas of menos binti mil meter cubico.

Marc Figaroa, CEO di Aruba Ports Authority (APA), a splica cu e prome yegada di Oasis-Class na Aruba ta programa pa e prome siman di mei 2022. E trabou primordial ta pa crea un safety buffer p'asina Oasis-Class por acomoda su mes n'e pier conoci como India-Kader. Loke nan kier ta pa na momento di drenta e canal, pa tin un safety buffer na momento di drenta y ta safe pa mara y no dal den ningun parti seco.

Inversion den e proyecto aki ta di mas o menos 1.6 miyon florin y ta bini fo'i fondo di APA mes.



Ta haci esaki, unda ta mira e return investment cu e binmento di Oasis-Class y den futuro mas di e mega cruceronan aki pa nos isla. Segun Figaroa, te cu awo di 2022-2023 ta pronostica cu lo conta cu mas of menos 32 calls di Oasis-Class den waf di Oranjestad.

Desde hopi tempo caba APA ta den combersacion cu Royal Caribbean riba nan interes pa bin cu nan mega cruise ships den region di Caribe, e parti zuid, esta Aruba, Boneiro y Corsou. Nan tur tin di haci e preparativonan ey y pa Aruba ta pa crea un safety buffer pa acomoda e crucero aki den un forma sigur.

Oasis-Class ta e crucero mas largo y mas grandi di mundo! Ta un crucero cu ta capas di carga 5400 pasahero den camber di ocupacion dobel of te cu 6296

pasahero individual. E ta midi 360 meter di largura, 72 meter di haltura, ta bay 22.55 meter hundo y tin un total di 16 piso. E ta nabega riba un velocidad di 22.6 knots, o sea 41.9 km pa ora.

E ultimo biaha cu a haci dragging den waf tabata na 2013 of 2014, segun Marc Figaroa. E tempo ey tabata mas bien e canal en general. Awor aki nan ta hacie n'e gang dje canal pa asina crea espacio pa Oasis-Class. E canal tabatin e profundidad caba, pero den transcurso di aña tabatin un damwand caba. Pa motibo di mal tempo el a caba, erosion y esey a haci cu tur material a los. Esey mester haci limpi awo, unda ta sac'e pa por yega profundidad bek di mas o menos di 12 of 13 meter.

Eproyecto aki pa draga e canal di waf pa por acomoda cruceronan mas grandi y cu mester e

profundidad pa por mara den waf, ta aparece den e proyecto di Port City y segun Marc Figaroa, esey ta e experiencia cu kier crea. E vision ta cu kier mehora e experiencia di e parti crucero. Oasis-Class ta bin cu un bon spin off economico pa Aruba en general. E mega crucero ta bin c'un cantidad basta grandi di pasahero cu lo ta cantando pareu den centro di ciudad y impulsa nos economia.

Door di atrae cruceronan mas grandi cu mas pasahero, lo promove un sustainable growth, pasobra APA no ta bay traha mas kade, sino lo sigui ta uza esunnan cu tin. Si tin un mega cruise ship den waf, e ora no por tin mas cu dos barco crucero eyden pareu. Asina ey ta enfoca riba self controlling. E prome call di Oasis-Class ta e prome siman di mei 2022.

Awor ta fraude cu covid test na hospital; Fraude di paptest a bay den doofpot?

Fraude cu test di Covid na laboratorio di Hospital; Fraude di Pap-test a bay den doofpot? Un otro escandalo a rementa na Hospital Horacio Oduber. Laboratorio di Hospital un ves mas ta den noticia, ora cu a bin sali na cla, cu tin otro fraude cu test di Covid.

E fraude no ta cu resultado, (resultadonan ta corecto!) pero cu compra y benta di test y e servicio cu a wordo duna na Hospital.

Aparentemente e testnan aki, e prijs, a wordo infla y a bende hospital esaki na prijs nan demasiado halto of tabata haya kickbacks na un of otro forma.

E autor awor lo despedi awe di laboratorio, awe ta su ultimo dia trahando y no ta conoci si tin keho penal entrega contra e autor y su actonan. Hospital mes ta keto keto!

Tres aña pasa tambe a rementa un caso cu test di paptest, unda 4000 hende muher na Aruba a wordo engaña cu nan pap test,



cual test y resultado tabata wordo procesa na forma dudoso y cuestionabel.

E tempo ey e director di Lab hunto cu su esposa a lanta un compania na Hulanda, registra

na su adres di cas. Tabata gaña manda test Hulanda, pero tabata un señora na Aruba cu tabata bay den patio di su cas pa chek paptest y tabata vul in resultado sin cu tabatin capacidad pa hasi

esaki.

Awor ta otro fraude cu prijsnan infla di covid. Ta parece cu na Hospital no tin control y un grupo por horta hospital facilmente.

Discision pa permiti carnaval ta trece cune cu Per direct mester kita tur medida, habri tur bar, snack truck y horeca bek sin tardansa Si gobierno no kita medida, por spera caso den corte

E decision repentino diparti Gobierno pa permiti carnal aki 10 dia, ta trece cu e cu no tin ningun motibo mas legalmente pa keda prolonga e medidanan.

E punto cu semper tabata e compas, ta hospital. Awor cu no tin ningun hende mas den ICU, e ora no tin motibo valido pa keda stroba cu medidanan.

Cu a considera pa laga carnaval bay door, cual ta aglomeracion y alcohol, no

tin ningun motibo pa sigui tene bar, snack truck, y horeca na horario limita.

Si gobierno no cambia esaki awe, nan por spera casonan den corte unda huez lo bay dicta riba nan pa habri tur cos bek y mesora.

Ta inlogico cu ta tene lugarnan cera cu horario limita, mientras aki 10 dia ta permiti alcohol na gran escala, y aglomeracion total den parada di carnaval.



Entrada Hudicial na un apartamento den cura di un cas den Watapanastraat, un homber (28) a wordo deteni



Diabierna merdia, den careda di 12'or autoridad a drenta un apartamento den watapanastraat, esaki lo tin di haber cu e proyecto di Drugspanden Bestrijding, casnan, apartamentonan etc den barionan caminda tin bendemento di droga ta tuma lugar. Basa riba tipsnan cu polis ta haya, un team special ta cuminsa build up un case y asina cu nan tin suficiente prueba, ta bay over na detencion y of entrada hudicial. Esaki tambe tabata e caso den watapanastraat, despues cu a detene e dos personanan na Angochi por a mira cu autoridad a haci un entrada na e apartamento. Aki nan a detene un persona masculino di 28 aña. E persona aki ta un bendedor di droga. E la keda aresta

y e droga cu a wordo haya den su apartamento a wordo confisca. E detencion di e homber y e detencion di e dos personanan na Angochi ta relaciona cu otro, ta trata di bendemento y delivery di droga na cumpradonan. E doño di e cas no tin nada di haber cu e bendemento di droga, simpelmente ta un pareha grandi di edad cu ta huur un of mas apartamento den nan cura di cas. E doño a conta cu e la wordo bon trata pa autoridad y e la coopera cu nan tambe pa drenta riba su tereno. Den oranan di atardi vocero di polis a manda un relato oficial di e entrada hudicial den watapanastraat den orana di merdia. Project Team Drugspanden cu entrada hudicial na un



cas na Watapanastraat

Project Team Drugspanden ta un team cu a wordo lanta pa entre otro investiga bendemento di droga for di un parcela y ariba caya.

En conexion cu un investigacion andando Project Team Drugspanden a haci un entrada hudicial den un cas na Watapanastraaty a detene e homber di inicialnan A.J.M. naci na Aruba, di 28 aña pa bendemento di droga. Tambe a detene 1 comprado cu a declara contra e sospechoso akiriba menciona.

Durante razzia a confisca un cantidad di droga (Marihuana, XTC y Cocaína). A haci uzo tambe di diferente departamentonan di Cuerpo Policial entre otro Team di Aresto y K9 unit.

Pa Cuerpo Policial por resolve mas caso cooperacion y informacion di pueblo di Aruba ta hopi importante, pesey nos ta pidi si bo tin cualkier informacion yama nos tiplijn di Polis cu ta: 11141. Nos ta garantisa cu bo ta keda anonimo.



Mucha muher di 14 aña a ser laga su so atras 3'or di madrugada e tanki di Alto Vista



Diadomingo madruga despues di 3'or y mey a drenta informe di cu algun hende lo a bay laga un mucha muher di 14 aña su so na e tanki di Alto Vista, mesora a dirigi un patruya na e sitio.

Na yegada di e patruya a bin compronde cu aki ta trata di un caso unda algun persona cu a bay riba e sero di e tanki y a bin encontra un mucha muher su so na e tanki di Alto Vista kende tabata bisa cu nan a bay lague eyan.

Polis a tuma e mucha muher aki y a bay na warda di polis cun'e 'a asina yama su mayornan pa bin busk'e eyan. Na nan yegada na e warda e mucha muher tabata tin hopi miedo y no kier a baha.

Despues di purba splica e mucha muher y a calm'e a logra hay'e pa baha for di e patruya y drenta warda di polis.

Cocaina, Piedra y placa confisca, 3 homber deteni na Louis de Colignystraat

Cuerpo Policial ta informa—

Project Team Drugspanen cu entrada hudicial na un cas na Louis De Colignystraat.

Project Team Drugspanen ta un team cu a wordo lanta pa entre otro pa investiga bendemento di droga for di un parcela y ariba caya.

En conexion cu un investigacion andando Project Team Drugspanen a haci un entrada hudicial den un parcela situa den Louis De Colignystraat.

Aki a detene 3 hende homber di inicialnan:

C.R.C. naci na Aruba di 29 aña

V.M.B. naci na Aruba di



60 aña y un sospechoso cu no kier a duna su nomber y cu solamente cu e yama "Sunshine".

Durante razzia a confisca un cantidad basta considerabel di droga (Cocaina y piedra) y placa.

Pa Cuerpo Policial

por resolve mas caso cooperacion y informacion di pueblo di Aruba ta hopi importante, pesey nos ta pidi si bo tin cualkier informacion yama nos tiplijn di Polis cu ta: 11141. Nos ta garantisa cu bo ta keda anonimo. pa bendemento di droga.

Dos morto mas a cay pa covid

Segun resumen di awe 46 persona a recupera y un total di 28 caso nobo di COVID-19 a keda registra di cual 14 ta no-residente. E cifranan aki ta representa un 'Positivity rate' bou di nos residentenan di 28%. E cantidad di casonan activo di COVID-19 pa awe ta 120 y cantidad di fayecidonan relaciona cu COVID-19 a aumenta na 198. Condolencia y forsa na famia di e fayecidonan. Datos ta ilustra casonan nobo di COVID cu un averahe semanal di 29 caso



pa dia y un averahe di 'Positivity rate' semanal di 32% pa dia.

Actualmente na Aruba tin 8 persona interna cu of debi na COVID

di cual den ICU no tin ningun (o) persona y riba piso general tin 8. Na Colombia tin actualmente 6 persona den ICU y ninguno (o) riba piso general.

Bomberonan mester a combati candela grandi di mondi na Tanki Leendert



Tanki Leendert - Diadomingo mainta den careda di 11'or Brandweer a bay ariba e tereno grandi habri pazuid di Kapel di Tanki Leendert, unda tawata tin un candela di mondi grandi.

Algun rato despues di yegada di e prome unidad di Brandweer nan a pidi pa refuerso, mirando e grandura di e tereno y e candela.

Dado momento e candela lo tawata yegando un cas y a esaki a bira poco tenso, y aki algun habitante mes a tuma accion usando sland di muha mata. Esaki evitando e candela sigui plama.

A ser bisa na e sitio cu lo a scucha algo zona y despues di esey mesora candela a cuminsa.

Muy probablemente e candela ta mustra den direccion intencional. E biento fuerte y e cerbanab seco y un chispa te e receta pa esaki a cende y kimas un area asina grandi.

Sin pensa cuando daño e ta haci na animalnan cu ta biba den e mondi.

Bomberonan tawata paga un parti y debi na e biento fuerte otro caminda ta bolbe cende, y sin lubida cu nan mester kita di e sitio pa bay refill e truck.



Opinion publico: Soppi pura ta sali salo

Gobierno a fiha prioridad robes pa cu parada di carnaval ?

Promove alcohol y aglomeracion no tabata necesario cu fondo publico di 100 mil

Desde diabierna cu Gobierno a bay un rueda di prensa pa anuncia un parada di carnaval, e opinionnan publico a desaproba e acto ey di gobierno.

Hopi ta esnan cu a reacciona, indicando cu no tin necesidad pa Gobierno, ne momento aki, promove alcohol, bebemento, aglomeracion, cu lo bay resulta den buracheria y mas problema social. No ta secreto cu alcohol t'e chispa cu ta trece cualke problema.

Apesar cu den wowo di gobierno, 100 mil ta coy kens, den vista di pueblo, e no ta bay pe suma, pero pe principio di crisis y prioridad.

Tabatin hopi otro cos cu por a instrui ATA pa sponser, cu por a yuda na hopi otro manera, cu loke ta bay hasi aworaki, unda por bisa cu ta bay

yuda gruponan recuada fondo. Cuanto grupo? 4 pa 5 grupo ta wordo regala 100 mil, pa nan recauda fondo!

Ta ser bisa cu ta pa yuda musico! Pero hopi musico a reacciona bisando cu nan no ta toca den bandanan di carnaval, pero nan tambe ta musico cu tin otro banda, y no ta haya e ayudo cu kier duna.

Berdad ta cu por mira cu Gobierno a actua "hals over de kop", den un ansha, pa forsa un carnaval bay door.

Ademas a pidi tur compania NV pa sponser carnaval di 1 dia, y gobierno lo cubri tur e gastonan organisatorio, manera polis, dow, serlimar, etc etc.

E critica no ta riba carnaval, sino riba e persistencia di gobierno pa duna 100 mil, net



awor cu maestronan ta reclama 12.6%.

E mensahe ta cu tin placa pa fiesta, pa sponser alcohol, pero no tin pa paga 12.6%.

Nos ta kere cu Gobierno mester paga tino cu su

accionnan, pa no perde e confiansa di pueblo ni kibra nan credibilidad.

Un djies nos ta para dilanti eigen bijdrage di AZV, unda pueblo tin cu paga pa nan remedi y nan dokter. Tur esaki ta retonan grandi dilanti

porta.

Kisas Gobierno no t'esun yama pa sponser festival, concierto, ni carnaval. Laga esey pa sector priva, cual pa 50 aña bao Don Milo Croes dfm, nunca Gobierno a pone cen!

Posibel menasa cu arma di candela bou muchanan di scol na Santa Cruz

Santa Cruz - Diabierna merdia docentenan di un scol situa na Santa Cruz a pidi presencia di polis poco pura.

Tawata i'or pasa o sea despues di scol cu dos patruya a yega dicho scol, unda docentenan tawata den oficina wardando ariba nan.

Unabes paden nan a contanan locual a caba di sosode algun rato prome cu un alumno. Ta asina cu un alumno di SPO lo a presenta na e scol y aparentemente lo tawata tin un arma di candela den su poder pa a menasa un alumno

di e scol basico.

Mirando cu ta trata di un caso hopi serio mesora nan avisa polis.

Algun dia anterior caba un of mas alumno di SPO lo a maltrata un of e mesun mucha aki di e basis school.

Despues cu polisnan a tuma tur dato for di e docentenan y tambe di e alumno nan a bay SPO, mas sigur pa busca mas informacion di e alumno cu aparentemente tawata tin un arma



di candela ariba dje y a bay asina leu di menasa un otro mucha. Lo por ta trata di muchanan den e edad di 11 cu 15 aña.

Minister Endy Croes:

NOS TA FELICITA SRA. DESIREE CORREA PA UN OTRO BUNITA BUKI 'DRAMA REAL'



Recientemente den un encuentro ameno Minister Endy Croes y colega Minister Presidente sra. Evelyn Wever – Croes a ricibi bishita di e autor Arubano sra. Desiree Correa kende a lansa un otro obra titula 'Drama Real' den nos dushi idioma di Papiamentu.

Sra. Desiree Correa no ta un persona desconoci e tin un trayectoria largo den mundo literario di Aruba. Na 1978 sra. Correa a gana un concurso na Caracas, Venezuela, cu a spart e chispa pa e cuminsa skirbi. Desiree tin varios obra original, traduci, obra pa teatro, e la oraganisa y duna tayer di poesia, tayer con pa skirbi cuenta pa mucha, tayer pa

promocion di lesamento etc. Algun buki cu Desiree Correa a publica ta entre otro; Elefina Elefante, Mosa's eiland, Drumi Dushi, Compa Nanzi, Doño di curpa, Domi di den mondi etc.

Riba portada di e buki nos ta lesa un sinopsis di e storia: "E novela ta trata di un pareha locamente namora, cu ta mira nan felicidad yega na alcansa un nivel halto cu yegada di nan morochu. E yegada di e dos muchanan Jani y Juani ta e colmo di felicidad pa e mama. No pa e tata, kende ta sospecha cu su señora tabata infiel. Di ki otro manera bo por splica e aspecto fisico di rasa preto di e muchanan? Tanto wela como welo



part'i tata tin desendencia Europeo, di unda anto e muchanan a sali cu cabey yen di krul cera y color di mispel? Comosifuera esaki no ta suficiente, e welo part'i tata ta un homber sumamente machista y ta discrimina no solamente color di cuero di un persona, sino tambe hende muhe". Un obra cu ta stimula pa tene un discusion y intercambio di idea entre e lesadonan di Drama Real. Por ultimo Minister Endy Croes ta felicita Desiree



Correa cu lansamento di un otro bunita obra den nos dushi idioma di Papiamentu y gradici tur esnan cu a contribui pa

haci e buki un realidad 'Un tremendo buki cu sigur tur Arubiano mester tin den nan coleccion', e Mandatario a finalisa.

17 caso nobo y 108 caso activo di COVID-19

Segun resumen di awe 29 persona a recupera y un total di 17 caso nobo di COVID-19 a keda registra di cual 3 ta no-residente. E cifranan aki ta representa un 'Positivity rate' bou di nos residentenan di 38%. E cantidad di casonan activo di COVID-19 pa awe ta 108 y cantidad di fayecidonan relaciona cu COVID-19 ta 198. Datos ta ilustra casonan nobo di COVID cu un averahe semanal di 28 caso pa dia y un averahe di 'Positivity rate' semanal di 31% pa dia.

Actualmente na Aruba tin 7 persona interna cu of debi na COVID di cual den ICU no tin ningun (o) persona y riba piso general tin 7. Na Colombia tin actualmente 6 persona den ICU y ninguno (o) riba piso general.

ULTIMO INFORMACION			
Casonan di Corona Virus, Vacunacion y Hospitalisacion na Aruba 13 di Februari 2022			
13/2/2022	TOTAL	RESIDENTE	NO-RESIDENTE
Casonan Nobo	17	14	3
Activo	108	82	26
Recupera	33194	28751	4443
Positivo	33500	29026	4474
Morto	198	193	5
Vacuna	87062	-	-
Hospitalisa AUA	7	-	-
ICU AUA COL	6	-	-

Parlamentario Alvin Molina: Island(ers) at the helm lo investiga e cambio climatologico di e islanan den Reino Hulandes



Recientemente den un esfera ameno nos a reuni cu dr. Francio Guadeloupe kende tabata na Aruba en conexion cu un investigacion cu e ta realizando. Dr. Guadeloupe a nace na Aruba, a biba den e distrito di San Nicolas y actualmente e ta residencia na Hulanda unda e ta traha como 'Associate Professor', den 'Anthropology' na Universidad di Amsterdam, alabes e ta 'Senior Researcher' na Royal Netherlands Institute of

Southeast Asian & the Caribbean Studies.

Presente na e reunion tabatatey Minister di Enseñansa y Deporte Endy Croes, sr. Harold Kelly y sra. Terry Gumbs. Durante e encuentro dr. Guadeloupe a duna informacion y splicacion extenso di e estudio cu e

ta realizando como tambe a elabora riba diferente puntonan interesante. Desde luna di januari 2021 dr. Guadeloupe a wordo nombra pa un periodo di cinco aña como 'Program Chair' di Island(ers) s at the Helm; cu ta un programa di estudio multi disciplinario riba e cambianan climatologico cu islanan CAS y BES ta enfrenta. E estudio lo tin un duracion di cinco aña y Netherlands Organization of Scientific Research (NWO) ta subsidia e investigacion cu un suma di 3.5 milyon di Euro.

E rapport final lo wordo publica y lo tin un instituto cu ta bay duna conseho na Gobierno con pa 'deal' cu e cambianan climatologico ta trece cu ne y cu lo por afecta Sociedad pero tambe economia di un pais. Desde final di siglo diesnuebe mundo a cuminsa bira mas cayente, door cu e consumo di 'fossil

fuel' a subi drasticamente durante e ultimo decada cu consecuentemente a haci cu planeta a cuminsa bira mas cayente. Segun pronostico di e expertonan di e materia mundo a subi cu cuater grado na aña 2001. Pa preveni esaki sigui subi na aña 2050 e uso 'fossil fuel' mester ta na cero. Si ta sigui usa



'fossil fuel' pa 2100 lo tin 'flooding' di seis pa ocho meter halto. Lama, infraestructura, edificio y islanan por desaparece for di mapa. Coral y e bida di e coral lo muri door di e aumento di CO2 den awa di lama, horcan y temporada di horcan ta bira mas intenso cu e posibilidad cu Aruba tambe por cuminsa experiencia horcan, di cual Aruba no ta traha pe.

Durante e reunion dr. Guadeloupe a elabora cu clima tin efecto riba e tipo di economia y sociedad di un pais. Aruba su clima ta atrae mas turismo y ta wordo clasifica bou di 'hospitality based', cual industria ta keda uno hopi importante pa nos. Aruba no por subi mas di 1.5 grado. Tambe dr. Guadeloupe a comenta riba e transicion di 'fossil

fuels' pa otro tipo di fuel, hydrogen ta bon pero e no ta algo cu por switch riba dje mesora. Bo mester di gas pa por yega eynan. Hydrogen na e momento aki ta hopi costoso y gas lo yuda baha e 'global warming'. Parlamentario Alvin Molina ta desea dr. Guadeloupe y ekipo hopi exito cu e proyecto y investigacion!

Polis a nota bicicleta scondi laga atras y tabata tende sonido riba dak

Diabierna madruga durante patruya polis atento a tuma nota di un bicicleta sospechoso laga atras patras di Birkenstock riba L.G. Smith blvd, e sospecho a lanta cu muy probablemente nan lo ta hortando via dak di e lugar. Polis a pidi mas patruya ya cu a bin tende sonidonan straño den e cercania. Despues di un revision den e area cu mas patruya no a logra haya e sospechoso(nan) pero polis a confisca e bicicleta.



Maleta horta di turistanan localisa di den mondi na Saliña



Saliña - Diadomingo un adres na Jaburibari. durante oranan di merdia. Segun nos a compronde pa atardi polisnan a bay cu hunto cu Fiscal a

busca pa un laptop.

Segun informacionnan haya, un laptop lo a wordo horta for di pareha turista. Esaki lo a wordo ge-traced pa un cas na Jaburibari.

Na e cas segun nos tin entendi ningun persona a wordo deteni.

For di e cas ey polisnan a bay Villa Floralina ex

Rancho Monteblanco.

Dilanti e entrada parti drechi den mondi a bin localisa e maleta horta di e pareha turista. Departamento tecnico di polis a wordo pidi pa saca potret y tambe controla pa vingerafdruk.

Polisnan a yama e cabayero turista pa confirma cu esey ta nan maleta y despues cu

tawata positivo, BFTO a bay cu e maleta warda di Santa Cruz unda cu e turista mester bay pa haya e maleta bek.

Danki Dios cu e pareha turista tawata bastante relax y te hasta tawata papia y hari cu e agentenan.

E maleta tawata mustra intacto.

Opinion publico



Banda di hyatt hotel. Beach policy? Asina ta respeta nos awanan y beachnan. Mi ta curioso si tin permiso di DIP y DOW pa esaki. Aruba free for all. Pa turista mag tur cos. Mi kier wak si tur hotel pone un asina con nos beachnan lo mustra....

Minister Ursell Arends (what about them fishes?)

Evelyn Wever-Croes, Minister President (precario vergunning den awa? SDG 14 life below water)



SDG Aruba

Rocco Tjon (algemene politieverordening, landsverordening en landsbesluit openbare wateren en stranden).

Nan ta pensa cu den weekend no tin control.

A.T.A. ta mira oportunidad pa sostene Carnaval 2022

Aruba ta habri bek den gran forma pa turismo y local Un forma pa duna aporte na nos turismo y economia

Nos a pasa un aña yena di reto y ora cu nos a anticipa un januari 2022 fuerte, nos a haya nos mes confronta cu Omicron, cu sin duda a causa cancelacion di vuelo y crucero, caida den reservacion y turistanan cu a postpone nan vakantie pa nos isla. Probechando e temporada friu den e mercadonan mas importante pa nos isla, ta esencial pa Aruba habri atrobe pa turismo, anto den gran forma! No tin un miho herment di mercadeo cu invita turistanan bin Aruba pa un weekend di carnaval, goso, alegria y beachnan blanco...e miho cu Aruba so tin pa ofrece na mundo!

Aruba Tourism Authority (ATA) ta sostene carnaval pa hopi aña caba, sigur desde aña 2011. A Brinda sosten na organisacion SAC y despues tambe na SMAC. E fondonan ricibi for di A.T.A. a wordo uza pa organisacion general di parada y diferente evento cu ta cay bou e capa di SAC y SMAC. Pa A.T.A semper tabata y ta importante pa brinda sosten na e evento cultural di mas grandi di nos isla.

A.T.A. ta mira cu e sosten aki ta un manera pa promove Aruba, un manera pa contribui na mantene nos cultura bibo, cu ta un aspecto importante pa turismo y tambe e sosten aki ta un manera pa reconoce cu celebracion di carnaval tin un impacto economico importante pa Aruba.

Pa motibo di pandemia



Aruba tabata bayendo pa di dos temporada sin carnaval. Recientemente, considerando e strategia y mehoracion riba area di maneho di e pandemia, reduccion di caso positivo y e hecho cu tin movicion mundial pa yega na normalisacion di bida bek, gobierno a acerca A.T.A. pa un biaha mas brinda sosten na nos carnaval e aña aki. Despues cu gobierno, den dialogo cu SMAC, a yega na un acuerdo pa organisa un parada nacional, cu lo mester "Cend'e mecha" pa carnaval 2023.

Manera ta usual, ora di traha presupuesto anual di A.T.A., a tene cuenta cu carnaval tambe pa aña 2022. Mescos hopi otro organisacion, A.T.A. su fondonan tambe a wordo impacta door di e pandemia, pero

conforme e maneho di A.T.A. y e espacio financiero permiti, lo contribui den e forma cu por, pa haci e evento di carnaval 2022 posibel. Ta subraya cu A.T.A. lo brinda parti di e sosten banda di otro entidadnan cu gobierno lo acerca.

A.T.A. lo ta na mesa como tal cu SMAC inmediatamente pa asina

yega na palabracionnan necesario y di e forma ey defini e sosten di A.T.A. pa asina por duna su aporte y den un momento corto por organisa carnaval un biaha mas.

Mas cu claro A.T.A. ta consciente cu un evento asina mester cumpli y conta cu sosten di e entidadnan di salud y

maneho di Covid y ta keda respeta esaki, como un di e aspectonan mas importante.

A.T.A. ta consciente cu tin diferente opinion riba e tema aki y ta respeta esaki. Como A.T.A., nos lo duna nos granito di contribucion pa e motibonan previamente menciona.




Polis y bomberonan a sali pa informe di cas na candela na Soledad



Diabierna atardi a drenta informe di cu tin un cas na candela na Soledad, mesora a dirigi tanto polis como bombero cu urgencia na e sitio, na yegada di e patruya a bin compronde cu aki tabata un candela chikito cu entretanto ya a ser

paga caba y tabata un candela chikito. Segun e habitante ela sali mey ora prome y awor ela yega haya un candela chikito banda di e garashi y no sa con esaki a cende. Na yegada di bombero nan a controla y a constata cu no tin peligro mas.



Pa abona na SOLO DI PUEBLO

Yama
585 9500
of manda nos un e-mail na
solodipueblo@gmail.com

Entrega tur dia te den bo port'i cas



Carquest Auto Parts Aruba

Korean Parts, Japanese Parts,
German Parts & American Parts.
Gates Hydraulic Hoses & Truck
Parts.

 (297) 585-0660

 Info@carquestaruba.com

 www.carquest.com

 Piedra Plat#93



Great People, Great Products,
Great Prices!

Problema na Plaza Daniel Leo NO ta cu Taskforce

Problema na Plaza Daniel Leo NO ta cu Taskforce

Diasabra anochi a surgi un problema na Plaza Daniel Leo relaciona cu permiso di e establecimiento. Rumornan a cuminsa sirkula cu ta Taskforce a bay cera e luga debi na Covid. Sinembargo Taskforce no a cera e luga. Polis tabata tin problema cu e vergunning di e establecimiento y a pidi Taskforce pero Taskforce no a haci nada pasobra no ta competencia di Taskforce.

Pues no ta trata di un problema di incumplimento pa cu Covid sino un disputa legal cu no ta relata na Covid.



Hoben lo a ricibi corta serio, pero a bandona sitio prome cu polisnan a yega

Renaissance Marketplace - Diasabra anochi un biaha mas polisnan mester a acudi na altura di Renaissance Marketplace, pa problema di hobennan.

Ariba diasabranan atardi pa anochi mayornan sea nan ta baha un of mas yiu cu e intencion pa nan bay wak un movie.

Momento cu e pelicula caba, aglomeracion di e muchanan aki ta cuminsa parti pafo.



Di e maner aki problema tambe ta start bou e hobennan.

Diasabra security guards a avisa autoridad momento cu nan lo a mira un pelea unda cu ambos "muchu" tawata tin cuchiu. Durante di e problema un a ser corta y esaki lo tawata sangra hopi.

Den nervio o ken sa kiko lo a pasa den cabes di mucha e la core bay direccion

nort. Polisnan a tira bista rond pero sin ningun resultado.

Na e sitio polisnan a trata na core cu tur e muchanan na e sitio.

E problematica aki tin años pasando y no ta prome biaha cu hobennan a resulta herida. Mayornan tin e tarea principal pa papia y guia nan yiunan, y avisanan di e peligrosnan cu tin ariba caya.



Dama a bira malo tras di stuur y a bay dal contra un auto cu tabata biniendo di direcion contrario



Diadomingo, algo prome cu 11'or y mey a sosode un accidente cu un persona herida, net poco panort di e rotonde Paradera. Un minivan cu a caba di sali for di botica, a subi caminda pa bay direcion panort. E dama tras di stuur di e Minivan Chevrolet Shinishi a haya ataca di epilepsia y a hala na su man robes

dal den e Chevrolet bruin cu tabata biniendo di panort.

Mesora a pidi pa presencia di polis y ambulance. Ambulance a yega hopi lihe y e paramediconan di ambulance a trata e dama na e sitio. Mientras polis a atende cu e accidente.

A haya 2 container yena cu articulonan di ladronicia; 2 homber deteni

DAR 3 y Team Woninginbraken a bin encontra 2 container yena cu articulonan procedente di ladronicia ariba un tereno na Seroe Lopez

En conexion cu un investigacion andando Team Woninginbraken a haci un entrada hudicial ariba un tereno na Seroe Lopez. Aki a bin descubri dos container yena cu articulonan procedente di diferente ladronicianan.

Tambe a detene 2 homber di inicialnan:

R.T.W. naci na Aruba di 32 aña

O.D.C naci naci na Aruba di 29 aña.

A confisca dos pickup cu probablemente ta procedente di ladronicia.

Pa Cuerpo Policial por resolve




mas caso cooperacion y informacion di pueblo di Aruba ta hopi importante,

pesey nos ta pidi si bo tin cualkier informacion yama nos tiplijn di Polis cu ta: 11141.

Nos ta garantisa cu bo ta keda anonimo.


Accidente na e cruzada net pariba dilanti di Superfood



Diabierna mainta a drenta informe di un accidente na e cruzada net pariba dilanti di Superfood na Bubali, mesora a dirigi un patruya na e sitio. Na yegada di e patruya a bin compronde cu aki ta trata di un accidente


unda cu un Hyundai i30 no a duna preferencia na un Lexus y esaki a bin dal riba dje.

Aunke e impacto tabata fuerte y cu hopi daño toch afortunadamente ningun hende a resulta herida.



Prome Minister Evelyn Wever-Croes:

RECEPCION NA HONOR DI JOKE BRANDT, EMBAHADORA DI REINO NA NEW YORK PA UNITED NATIONS (UN)



Diahuebs anochi a tuma luga na Museo Archeologico Nacional Aruba (MANA), un recepcion cultural na honor di e Embahadora di Reino na New York pa United Nations (UN), señora Joke Brandt. Esaki ta e prome biaha cu un representante pa Reino ta bishita Aruba cu e proposito

pa crea un miho comprendemento di e necesidadnan di Aruba y haya un miho sentido di e multiculturalismo di Reino Hulandes pa asina duna mas contenido y forma na su funcion como representante pa Reino Hulandes.

Na yegada na Museo Archeologico, Prome

Minister Evelyn Wever-Croes hunto cu señora Joke Brandt, a wordo ricibi pa e director di museo señor Pancho Geerman cu a duna Prome Minister y señora Brandt un recorrido di e museo na unda nan por a aprecia diferente obra.

Despues di e recorrido, a sigui un ceremonia na unda señora Brandt a hiba palabra sigui pa Prome Minister di Aruba.

Durante su discurso, Prome Minister a yama un bon bini na señora Brandt y a gradici'e pa a tuma riba su mes e iniciativa pa bin wak y scucha con e lo por asisti Aruba na un miho manera. Esnan presente por a acerca señora Brandt y comparti cu ne tur nan deseonan y preocupacionnan.

E tema principal di e anochi aki tabata arte, cultura y genero na unda a enfoca riba arte y cultura den e prome parti di anochi sigui pa genero den e segundo parti. Durante e seccion di arte y cultura, artistanan local tabata tin e oportunidad di haci nan presentacion,

mostrando asina con Arubianonan ta biba, experiencia y interpreta arte.

E siguiente parti di anochi tabata dedica na e tema di genero cu pa Aruba ta un tema di suma importancia. Señora Joke Brandt hunto cu e otro representantenan femenino di UN, ta di gran apoyo pa loke ta trata e desaroyo y implantacion di e "gender policy" aki y a priminiti Aruba pa yuda den e ehecucion di esaki.

Den cooperacion cu Universidad di Aruba, Gobierno ta organisando huun evento importante den cuadro di Dia Internacional di Hende Muhe na Maart 2022.

Durante e evento aki lo presenta e "gender policy" pa prome biaha den historia di Aruba.

Finalmente, Prome Minister a gradici un biaha mas señora Brandt pa su apoyo valioso, como tambe tur cu a organisa e evento exitoso aki. Tambe el a gradici su coleganan pa e apoyo y tur esnan presente pa e amor y dedicacion cu cada un tin pa pais Aruba.

Prome Minister Evelyn Wever-Croes a expresa, "ta e amor y dedicacion di cada persona ta loke ta duna Gobierno e forza pa saca pais Aruba di e crisis y hib'e na e progreso y bienestar cu tanto e isla mester".





**TENE NA
CUENTA
E USO DI
TAPA BOCAS**

Secretario General di MEP

HOLOR STINKI DI CORUPCION TA DORNA PARTIDO AVP

Secretario General di MEP Endy Croes a splica cu e ta completamente decepciona den partido AVP momento cu scucha e tantísimo actonan di corrupcion cualnan a wordo presenta cu prueba dilanti mesa berde tanto den caso IBIS di Paul Croes y caso Avestruz di Benny Sevinger ambos ex ministernan di AVP.

Digna Lacle Herrera (def) lo ta bolter den su caha:

Segun e Secretario General, AVP a lanta Fundacion Digna Lacle Herrera esta un instituto pa prepara su hobennan cu formacion politico pa subi lista. Esaki AVP ta hacie den colaboracion cu FESCA y Fundacion Mito Croes. Tristo di tur esaki ta cu masha hopi politico cu a pasa den e formacion politico aki pa wordo prepara pa un carrera politico a fracasa. Algo a bay robes y e preparacion no ta cumpli cu e meta. E curriculum a wordo cambia pa uno mafioso. No por a confirma cu esnan cu ta prepara e hobennan aki manera Henny Eman (antes) y Mike Eman 'himself' a proposito a haci dicho cambionan pa crea un mente maligno den e hobennan. Honor a la berdad cu AVP ta rondona cu holor stinki y hopi di candidatonan cu a ricibi training di Henny Eman y Mike Eman sea a cay cera of ta bou in-

vestigacion pisa. Digna Lacle Herrera y Mito Croes lo ta bolter den nan caha di tanto corrupcionnan di AVP. Nan lo ta hopi defrauda di e metodonan politico cu ambos Fundacion ta brinda hobennan politico a traves di Henny y Mike Eman. Hobennan ta sali cu un mente asina troci y maligno pa subi lista di AVP y sigur esaki no tabata e proposito.

Ehempelman bibo ta Paul Croes, Benny Sevinger y Richard Arends:

Ehempelman bibo di corrupcion den dia cla manera ex candidato y ex minister di AVP esta Paul Croes. Paul Croes ta condena den eerste aanleg (1) hues y den Hoge Beroep (3) hues na 4 año di prison y 10 año cu e no por fungi den ningun funcion den gobierno. Paul Croes ta bini di un bon famia y ta un hoben cu tremendo preparacion na Hulanda y tabata inspira di tin un futuro briyante. Lamentablemente su escogencia politico di tene man cu AVP y pasa den e proceso di Formacion politico di AVP unda a siña Paul e trikinan mafioso pa nan practica momento nan ta den posicion y esaki a crucifica. Nos ta lamenta esaki masha hopi pero esaki ta e realidad. Na Hulandes tin un dicho ta bisa "wie met pek omgaat wordt ermee besmet".

Benny Sevinger:

Benny Sevinger e sospechoso principal den caso di Avestruz. Tambe un bon mucha homber deportista bon prepara kende kier a bisti e sapatonan di Watty Vos un legendario politico. Igualmente Benny a wordo forma den e Fundacionnan politiconan di AVP unda Henny Eman y Mike Eman ta duna les. Na caminda Benny tambe a siña e trikinan pa horta pueblo y enrikece su mes

cu patrimonio di pueblo. Manera el a haña su chens pa bira minister di AVP el a masaca Aruba cu bendemento di tereno. Asina recientemente Ministerio Publico a presenta pruebanan con Benny tabata ricibi placa a cambio di fabornan politico riba cuenta manera Fundacion Curason Berde. Tambe a haña otro cuenta na Curaçao Golden Rain Private Foundation cu mas di 1 miyon US Dollar riba dicho cuenta cual cuenta e amigo di infancia y di cas di Benny esta Sussebeek ta maneha. Benny cu Sussebeek ta manera dos bonchi den un baliña y pues 'best friends'. Placa di e cuenta aki tambe tabata yega riba cuenta di Benny esta Fundacion Curason Berde. Ta un estructura di corrupcion 'highlevel' di crimen organisa cual ta refleha e modus operandi di AVP. Corrupcion hopi bon y profesional estructura cual Ministerio Publico a logra intercepta y penetra pa decifra esaki te den fondo. Hopi tristo pa mira con AVP ta usa medianan manera Speed y Patrick pa bruha pueblo y desvia atencion pa asina AVP por a horta e pueblo aki na un manera organisa. Pero nan bingo tambe a hunga awor.

Richard Arends:

Richard ta otro hoben hopi bon prepara cu Master opleiding. Richard tambe a traha masha di cerca cu Fundacionnan cu ta

prepara hobennan politico di AVP. Richard tambe a ricibi preparacion di Henny Eman y Mike Eman. Lamentablemente aki ta unda nan mente ta troce momento nan siña e arte pa gaña pueblo pinta cosnan bunita pa mientras pueblo ta kere den promesanan falso (manera AVP lo elimina BBO) nan mes ta liber pa horta e pueblo na manera fini. Asina Richard kende a traha e programa nan di AVP a logra lanta Horizon Consultant y a traves di e compania aki na un manera "legal" tabata cobra serca Mike Eman, Utilities, RDA. Elmar, WEB pa nombra algun. A logra ranca 4 miyon florin di pueblo y a traha un cas super luhoso na malmok den 8 año di gobernacion di AVP. Ta pa e rasonnan aki Digna Lacle Herrera y Mito Croes lo ta bolter den nan caha ora mira e resultado di formacion di politiconan cu ta subi lista di AVP. Despues cu nan pasa les di formacion na man di Henny Eman y Mike Eman ta resulta di ta comberti un hoben studia cu talento den un bandido. Tin mas cabes pa lora manera Mike de Meza, Mike Eman mes den caso di a tuma varios suma di 50 mil Dollar for di Robertoi Rincon. Pues AVP ta un partido cu ta bolter cu holor stinki di corrupcion y nunca pero nunca mas por confia AVP cu un solo voto. AVP sinonimo di corrupcion!



**PUEBLO A HAÑA SU
PEN BEK**

**Pa kualkier informacion
solodipueblo@gmail.com
of
☎ 585-9500**

Grupo Amistad Paradera a celebra dia di San Valentino hunto banda di lama



HAPPY
Valentine's Day



Grupo Amistad Paradera a celebra dia di San Valentino hunto banda di lama



HAPPY
Valentine's
Day



SOLO Di Pueblo

Amor

Amor, un palabra asina cortico
pero cu un nificacion profundo.
E no ta solamente entre pareha
sino tambe entre famia y amistad.
Un sunchi, un brasa, flor of chuculati
ta simplemente e forma
mas comun pa expres'e,
pero amor ta mucho mas si bo pens'e.
E amor incondicional di nos Señor
E amor di un mama pa su yiunan
Amor entre rumannan
Amor entre amistad y amigonan
Amor propio, pero tambe amor pa nos
pais.
Un curason cu no tin amor no tin nada
Demuestra amor den tur cos y asina biba
alegre,
esaki ta un refleho di bo
Laga pa tur hende por mira
e berdadero amor den cada un di nos.

***Feliz dia di amor
y amistad***

14 di februari 2022

Ariana M. Koolman-Chirino 'Lady Ari'



"AMOR SINCERO."

Cuanto palabra bunita ta expresa
Na momento di yega pa sorpresa
Persona cu a balora tur momento
Punto cu ta mas debil, Sentimento
No haci e curason dolor ni ignora
E Parti di mas bunita cu ta balora
Tur ser humano respetuosamente
Laga pasado atras i mira presente
No riba dia San Valentino so hacie
Esposa, esposo ,mama i demostre
Amor , Cariño manera ta e ultimo
Asina Dios ta regala Amor eterno
Tata su gran Amor incondicional
Pa tur ser humano asina special
Stima cu e Amor bunita i sincero
Sinti un emoshon inmenso i puro.

FELIS DIA DI
SAN VALENTINO NA TUR
SER CU TA SINTI E
CANDELA DI AMOR

Autor : Omaira I. Rodriguez-Britten




Solo di pueblo pagina social

Ba hasi aña? Bo kier publica un
felicitashon den corant. **FREE**

Manda nos un email cu infor-
mashon y maximo 6 potret na

solodipueblo@gmail.com
of Yama 585-9500



Clasificados




SOLODIPUEBLO@GMAIL.COM
CEL.585 9500



FOR SALE - FOR SALE - FOR SALE



HYUNDAI ACCENT
 2014 TOP CONDITION CALL
5694343 FOR TEST DRIVE

OPORTUNIDAD PA TRABAO

Tin oportunidad pa trabao pa un kokki/cocinera y helper di cumindanan crioyo pa un Take Away.



Pa informacion por wasap 746-3571



Top95fm
 Posted by Creator Studio for iOS
 1m · 🌐

Bo ta un Early Bird? Renobando nos programacion; Tin oportunidad pa un Early Bird energetico, pa traha di 5am pa 7am.. Nos ta open pa scucha; SEA ta gospel, balada, "lanta'riba".. of programa di oracion of un combinacion. Pa mas informacion, tuma contacto cu nos. top95fm@gmail.com




FOR SALE - FOR SALE - FOR SALE



Ford Shuttle Bus 2006 ~ E450 diesel
 Prijs reduci: Afl. 17.500
 Perfecto pa snack truck

739-0101

PRONOSTICO DI TEMPO

VALIDO TE DIALUNA 14 DI FEBRUARI 2022, 18:00 ORA.
ELABORA: DIADOMINGO 13 DI FEBRUARI 2022 17:00 (21:00 UTC)

TEMPO:
AWE ANOCHI: PARCIALMENTE NUBLA CU UN AWACERO PASAJERO
DEN MARDUGA I MAYAN: VARIABLEMENTE NUBLA CU UN AWACERO PASAJERO TE BREVE

TEMPERATURA MAXIMO 31 GRADO CELSIUS
TEMPERATURA MINIMO 26 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 32 PA 35 GRADO CELSIUS
UV INDEX: 10
BAHADA DI SOLO : 6:45 PM
SUBIDA DI SOLO : 7:02 AM
BIENTO:
MODERA TE BASTA FUERTE FOR DI OOST;
FORSA 4 TE 5 (20 TE 39 KM/ORA, 11 TE 21 NUDO).
DEN DIA FUERTE TE POSIBLEMENTE DURO DEN RAFAGA;
FORSA 6 TE 7 (40 TE 61 KM/ORA, 22 TE 33 NUDO).

SITUACION GENERAL DI TEMPO PA PROXIMO 24 ORA:
EXTENCION DI E AREA DI PRECION HALTO DEN ATLANTICO
LO KEDA MANTENE UN BIENTO MODERA TE BASTA FUERTE,
FUERTE TE POSIBLEMENTE DURO DEN RAFAGA. E AIRE TRANSPOTA PA REGION LOCAL TA CONTENE HOPI HUMEDAD.
POR SPERA DE VEZ EN CUANDO ALGUN AREA DI NUBIA CU POR DUNA UN AWACERO PASAJERO TE BREVE LOCALMENTE.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: LEVE
NA PARTINAN ZUID: MODERA
NA PARTINAN OOST TE NOORDWEST DI COSTA: MODERA TE POCO BRUTO, LOCALMENTE BRUTO
OLANAN LO TA ENTRE 5 PA 8 PIA, LOCALMENTE E POR JEGA 9 PIA.

AVISO/ ALERTA:
UN AVISO PA BOTO CHIKITO PA PARTINAN OOST TE NOORDWEST DI COSTA TA NA VIGOR...
NA OPERADORNAN DI BOTO CHIKITO TA WORDO SUGERI PA BAI CU CAUTELA RIBA OTRO PARTINAN Y LAMA HABRI
FENOMENONAN SPECIAL
NINGUN
POTENCIAL DI AWACERO PA PROXIMO 24 ORA:
1 TE 3 MM; LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y AWACERO (MM) DEN ULTIMO 24 ORA (8'AM PA 8'AM):

AIRPORT : MAX 30 / MIN 25 / 0.8 MM
WESTPUNT: MAX 31 / MIN 25 / 0.8 MM
STA ROSA: MAX 31 / MIN 25/ 1.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO PASAJERO TE BREVE.
BIENTO LO TA FOR DI GENERALMENTE DIRECCION OOST I MODERA; BASTA FUERTE TE FUERTE DEN RAFAGA;
TEMPERATURA (GRADO CELSIUS) MAX / MIN LO TA:
31 / 26

Tur Mucha bon vacuna



Pa Kiko?

Pa proteha y garantiza e bienestar y salud di tur mucha cu ta biba na Aruba.

Ken?

Tur mucha di 0 pa 12 aña cu ta biba ilegal na Aruba.

Con lo hacie?

Lo duna e vacunanan necesario pa completa e schema di vacunacion contra Sarampi, Bof (Cacheton), Rubella (Sarampi Aleman), Difteria, Tetanus, Kinkhoest, Polio, Pneumococ, Hepatitis B y HPV (Human Papilloma Virus).

Na unda?

Na e Wit Gele Kruis of e Seccion Cuido Salud Hubenil (JGZ) cu ta e instancianan na Aruba encarga pa vacuna muchanan 0 pa 12 aña.

	Telephone	Whatsapp	Email
WGK Noord	281-4514	594-8439	swgk.noord@witgelekruisaruba.org
WGK Dakota	281-4515	594-8476	swgk.dakota@witgelekruisaruba.org
WGK Santa Cruz	281-4517	594-8437	swgk.stacruz@witgelekruisaruba.org
WGK San Nicolas	281-4523	594-8443	swgk.sannic@witgelekruisaruba.org
Cuido Salud Hubenil (JGZ)	522-4294		jgz@dvg.aw

Corda e servicio aki ta gratis y tur informacion lo keda personal y confidential

Pa mas informacion por subi e website: www.dvg.aw/turmuchabonvacuna



GARDEN & MAINTENANCE SERVICES
ARUBA

Sushi di cura?

Nos ta tir'e afo

AWG 50

OFERTA GRATIS OF RESERVACION
+297 7460815
AKGARDENARUBA@GMAIL.COM

BAN TENE ARUBA LIMPI



SERVICIO Y COMPRA



OBITUARIO

Publica serka nos anuncio di fayecimento di bo ser keri.
Nos tin 2 pakete pa ofrese

Pakete 1: Anuncio di fayecimento te dia cu e defunto
ser dera
Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00


Pa mas informashon por tuma contacto cu oficina
na **585-9500** of na **741-4554** puntra pa
Jamila Henriquez

CHAPI, VERF, CORIENTE

Ta hasi trabao di corriente verf
welder plumbing metsla carpinte
drecha dak hasi cura limpi
y kap mata
yama: 5608568

SCEPTIC TANK (7 CUBE)

PRIJS SPECIAL
AWG 75,-



YAMANOS NA:
560 3500 OF 563 4201

TA HUUR

den CENTRO COMERCIAL
NOORD un localidad
di 120M
Bon situa, pa mas
info yama: **592-3327**



Hyundai Tucson 2009 Top 1 condition



Call: 5942389

Clasificados



SOLODIPUEBLO@GMAIL.COM
CEL. 585 9500



Servicio na Comunidad

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141

Ambulance San Nicolas	584-5050
Ambulance Sasaki	582-5573
Ambulance Wayaca	582-1234

Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Kiningin Wilhelmina Fonds	582-0412
Fundacion pa nos mucha nan	583-4247

Dienstregeling artsen Pariba Di Brug

FEBRUARI 2022

Dr. Boderie, E
Dr. Croes, G
Dr. de Cuba, M
Dr. Every, B
Dr. Giel, D

Dr. Linden v/d, J
Dr. Ramautar, K
Dr. Vis, S
Dr. Wever, M
Dr. Winterdal, N

MA
DI 01 RAMAUTAR
WO 02 VIS
DO 03 WEVER
VR 04 WINTERDAL

MA 07 BODERIE
DI 08 CROES
WO 09 DE CUBA
DO 10 EVERY
VR 11 GIEL

MA 14 LINDEN V/D
DI 15 RAMAUTAR
WO 16 VIS
DO 17 WEVER
VR 18 WINTERDAL

MA 21 BODERIE
DI 22 CROES
WO 23 DE CUBA
DO 24 EVERY
VR 25 GIEL

MA 28 DE CUBA(Carnavalmaandag)

WEEKENDDIENST

05 – 06 FEBRUARI	*	LINDEN V/D
12 – 13 FEBRUARI	*	RAMAUTAR
19 – 20 FEBRUARI	*	VIS
26 – 27 FEBRUARI	*	WEVER

NUMBERNAN IMPORTANTE pa covid-19



Emergencia pa covid pashent

166

7pm-7am di
Dialuna pa
Diabierna/
Weekend
full dia



Test den siman

Yama bo Dokter di Cas

Orario di
oficina so



Keho pa infraccion di regla di negoshi

522-4267

Orario di
oficina so



Test prome cu bay den exterior

597-4522, 280-0630 y 592-0709

Orario di
oficina so



Persona indocumenta cu sintoma

280-0101

Orario di
oficina so



Turista cu sintoma

280-0505

Orario di
oficina so



8 Comments



**TENE NA
CUENTA E USO
OBLIGATORIO
DI TAPABOCA**

Joshua Klaber a gana Oro y Jourde Klaber a gana Brons na Merca

Den fin di siman rumanan Klaber a participa na training cerca Russell Benneby di Peak Performance na Tamarac pa despues nan participa den e Truescore Championship Series na Miami.

Joshua Klaber a bringa pa prome biaha den e categoria di adulto y ta haci cu e tin cu enfrenta e barera di e adultonan.

Joshua Klaber tabata den un poule di tres atleta unda cu Diego Reyes no a presenta. Joshua Klaber a topa cu Alejandro Bravo den final. Joshua Klaber a cuminsa studia Bravo, mirando cu esaki tabata su prome pelea bringa den e categoria di adulto a pone cu Joshua Klaber kier a haña confiansa. Na final di e prome rond e score tabata 1-0 pa Joshua Klaber. Den e di dos rond Joshua Klaber tabata dilanti cu



un score di 2-1. Den e ultimo rond Joshua Klaber a dicidi di bay tur cu tin y a logra gana e pelea cu un score di 5-3.

Jourde Klaber tabata den un poule clase Olimpico te cu -68 kilo. Jourde Klaber a topa cu Wilmer Bernandez di 67.6 kilo. Jourde Klaber a cuminsa fula tera pero Wilmer Bernandez tabata hopi skerpi y e score a termina 3-2 pa Wilmer Bernandez. Den e di dos rond Jourde Klaber a realisa cu e mester bringa y e score a termina 4-3 pa Jourde Klaber. Den e ultimo rond Jourde Klaber a gana e pelea cu un score di

7-5 y a bay cuart final.

Jourde Klaber a topa cu Rodney Howard kende tabata un cabes mas grandi cu Jourde Klaber y a haci cu Jourde Klaber mester a bringa mas duro pa score punto. E prome rond a termina 3-0 pa Jourde Klaber.

Den e di dos rond cos a bolter y Rodney Howard a bin di patras y a bay dilanti cu un score di 4-3. Den e ultimo rond Jourde Klaber a purba yega na mas punto, pero esaki tabata envano y Rodney Howard a gana e pelea cu un score di 6-4. Jourde Klaber a termina cu su medaya di Brons.





Lotto MERDIA
FEBRUARI 11

CATACHI	LOTTO 5	
Sorteo # 3472	Sorteo #	Joker Letter
4373	0 x Jackpot	Proximo Jackpot
1438	0 x Match 4+	210.000,-
3308	0 x Match 4	
MULTI-X	0 x Afl. 12,00	
X2		
BIG 4		
Sorteo # 3472	Sorteo #	Proximo Jackpot
3396	0 x Jackpot	66.000,-
	0 x Match 4	
	0 x Afl. 8,00	
DIFF		
Sorteo # 1528		
5943		
ZODIAC		
Sorteo # 3472		
1447		
Virgo		
LUCKY 3		
Sorteo # 346		
706		
MULTI-X		
X2		

Lotto ANOCHI
FEBRUARI 11

CATACHI	LOTTO 5	04-09-12-30-33
Sorteo # 7565	Sorteo #	Joker 27 Letter I
1368	0 x Jackpot	Proximo Jackpot
5851	0 x Match 4+	220.000,-
7924	0 x Match 4	
MULTI-X	142 x Afl. 12,00	
X2		
BIG 4		
Sorteo # 6609		
4804		
DIFF		
Sorteo # 1314		
0300		
ZODIAC		
Sorteo # 5368		
0238		
Acuario		
LUCKY 3		
Sorteo # 298		
663		
MULTI-X		
X3		

Pa abona na SOLO DI PUEBLO

Yama
585 9500
of manda nos un e-mail na
solodipueblo@gmail.com

Entrega tur dia te den bo port'i cas

Lotto MERDIA
FEBRUARI 12

CATACHI	LOTTO 5	
Sorteo # 7564	Sorteo #	Joker Letter
1243	0 x Jackpot	Proximo Jackpot
8951	0 x Match 4+	210.000,-
3012	0 x Match 4	
MULTI-X	0 x Afl. 12,00	
X2		
BIG 4		
Sorteo # 6608		
2291		
DIFF		
Sorteo # 1313		
2494		
ZODIAC		
Sorteo # 5367		
0902		
Piscis		
LUCKY 3		
Sorteo # 297		
018		
MULTI-X		
X2		

E conocido "Calbas" a bay cu un grupo na e veld di Centro di Bario y Deporte Dakota pa busca problema cu algun futbolista



Diabierna atardi a drenta informe di un posibel pelea cu lo bay cuminsa entre un grupo cu algun futbolista na e veld di Centro di Bario y Deporte Dakota, mesora a dirigi patruyanan na e sitio.

Na yegada di e patruya a bin compronde cu e conocido como "Calbas" a pre-

senta cu un grupo na e veld di futbol y busca problema cu algun hungador pa incita nan pa un pelea pero e hungadornan no a preocupa cu e agresornan pero na momento cu e grupo a subi veld a core yama polis y cu esaki "Calbas" y su grupo a core mas liher cu "Beep Beep" bandona e sitio.

HOTLINE



744-0444

CAPT'E Y MAND'E



HQD

CUVIEPLUS
1200 PUFFS



CUVIEAIR
4000 PUFFS








7463571





Polis a aresta homber den boxer cu a bringa cu chauffeur di bus



Wilhelminastraat - Dia-bierna anochi a start un persecucion na pia den centro di Playa despues di un problema na bushalte chikito.

Na e sitio Arubanative, com a compronde cu lo tawata tin un pelea entre un chauffeur di bus y un homber.

Na yegada di polis nan a wordo informa cu e homber lomba sunu a core bay abou. Parse cu e homber aki lo a trata di ranca cartera di e chauffeur di bus.

Polis buscando rond y mirando cu e homber no tin mucho caminda pa e por a

sconde a logra pone man ariba dje den e mall na Renaissance.

Tawata trata di un homber jong. E homber tawata musta di por a usa un of otro substancia, debi cu e tawata solamente den su boxer bisti.

Polisnan a pone de boei y sali dilanti cu ne, wardando ariba transportwagen cu mester sali sea di Noord of Santa Cruz debi cu Playa no tin actualmente.

Na yegda di transportwagen di Santa Cruz bou un smile e la wordo hinca den e vehiculo cu a sali rumbo cu ne pa un warda di polis.





SOLO
Di Pueblo

744-0444

**CAPT'E
Y MAND'E**

Paga bo cuenta online ta facil



Pa hasi pago online pone nomber y adres na
cuenta di banco RBC Sunmax Printing
account # 7700000100152447



Celular ta ocasiona insomnio

Di no por descansa bon of lo necesario, ta un problema mas habitual di loke nos ta kere. Insomnio y stress ta dos di e patologicianan cu ta generando mas preocupacion den e siglo 21 cu nos ta bibando aden.

Nos a para pa pensa dicon? Kisas ta debe na nos ritmo di bida, pa tin un agenda semper repleto di actividad, na no sa con pa ta cu nos mes of na abusa di aparatonan tecnologico y electronico.

Entre e ultimonan aki, un di e esunnan mas comun ta celular. Cada biaha nos ta duna nan mas uzo y ta dificil cu cualkier adolescente no pidi pe.

E manera nobo aki di comunica tin hopi bentaha, pero na ora di drumi, por ta e no lo ta un gran aliado.

Tecnologia no ta laga nos drumi Kico ta lo ultimo cu bo ta wak prome cu paga luz y cera bo wowonan? Hopi di boso lo responde.... E Celular!

Esnan cu no por biba sin su smartphone mester sa, cu si ta bon, e ta bon pa hopi cos; tur cos den exceso ta contraproducente. Y e aparato aki no ta libra, ya cu uza den oranan laat di anochi, por causa insomnio. E uzo di cualkier herment electronico cu tin un pantaya luminoso minuutnan antes di drumi (of purba di concilia soño), no ta permiti e cerebro pa tranquilisa y descansa manera cu mester ta.

Esey tabta e conclusion cu varios estudio a yega na dje, entre nan di e Instituto Politecnico Rensselaer di New York (Merca).

E exposicion prolonga na aparatonan tecnologico manera e celular, television of tablet, ta afecta e nivelnan di hormoonnan regulador di e ciclonan di soño, e melatonina.

Tur cos ta debi na e luz blanco y briyante emiti pa e dispositivonan aki. Aunke cu nos paga e pantaya y e briyo ta regula, e nivelnan di melatonina ta reduci den un 25%. Riba su mes nos no ta haci eskai. Asina ta, e ultimo bista riba bo email, rednan social of television ta perhudica e nivelnan cu nos no ta conciente di dje.



Celular ta afecta e sistemanan encarga di regula e ritmonan circadiano. Esaki ta referi na e cambionan fisico y mental cu ta produci relaciona cu e luz solar y scuridad.

Si nan ta bon regular, nos lo tin soño durante anochi y nos lo ta mas alerta pa sali den solo.

Insomnio tecnologico ta preocupa dokternan

E malo nobo cu pashentnan cu ta yega na oficinanan di dokter, ta keha di dje, ta conoci como "insomnio tecnologico" y ta provocando e abuso di internet prome cu drumi.

Mas leu di e luminosidad di e pantaya, tambe nos tin cu tene na cuenta cu e ondanan electromagnetica cu e dispositivonan ta manda.

Mescos cu adiccion, cu nos tin pa usa e celular net prome cu drumi. Den e hospital Casa de Salud de Valencia (España) a realiza un investigacion unda cu ta sigura cu check e pagina di Facebook, mira un video riba YouTube of comproma un mail prome cu drumi, ta corta e oranan di soño y ta afecta e calidad di descanso.

E uso nocturno di internet y di e aplicacionnan cu nos tin riba e celular (manera por ehempel, weganan) ta laga e cerebro den estado di alerta.

Esaki ta haci cu lo mester di hopi tempo pa "bolbe na normalidad" y compronde cu ta ora di drumi. Ta sosode mesun cos cu si nos come sucu of bebe koffie despues di cuminda. Nos ta precisa di dos ora adicional pa concilia soño.

Ademas, durante anochi nos por lanta di golpi, tin pesadiya y drumi den posicionnan cu despues ta provoca dolornan di lomba y nek. Neurofisiologonan di e hospital aki ta recomenda pa desconecta di cualkier aparato electronico, por lo menos, un ora prome cu nos drumi, paga e router y laga e celularnan p'afo di e camber durante anochi.

Rednan social ta provoca insomnio

No ta culpa di Facebook, di Instagram ni di Twitter, esey ta bon cla. Sino di nos forma di relaciona cu e plataformanan aki. Segun un experimento cu a tuma luga pa specialistanan di e Universidad di Boston, a yega na e conclusion cu e red social di e parha blauw y di 140 caracter ta ta esun cu mas ta relaciona cu insomnio y e problemanan pa concilia soño.

Dicon? Pasobra usuarionan ta conecta practicamente henter dia (incluyendo anochi) y sa publica entre 6'or di atardi y 10or di anochi. E piek di e publicacionnan ta 9'or.

E informe, ademas, ta indica cu e dia cu mayor insomnio di siman ta diaranson. Esaki ta debi, segun cu nan ta splica, cu ya nos a pasa e mayor parti di e dianan laboral y nos ta demasiado "acelera" cu asina tanto obligacion.

Koffie y refresco di cola ta e bebidanan mas consumi pa e Tweeters cu insomnio. Ambos ta contene cafeina, cu ta un substancia causante di e sensacion di euforia of alerta pa e cerebro.

No obstante, e internautanan di e estudio a afirma cu su rasonnan pa no por drumi ta bata "pensa hopi," "nabega riba Twitter," "usa e celular durante hopi ora" y "wak television."

Aplicacionnan contra insomnio?

E por zona nos algo straño y contradictorio cu nos por uza e celular hustamente pa por concilia soño.

Esaki ta un bon manera pa nos no wak e aparato imprescindibel aki como un enemigo. Tecnologia por ta beneficioso of perhudicial, segun con, pakico y cuanto nos usanan. Nos por haya den tiendanan online di Android y iOS diferente aplicacion cu ta combati (aparentemente) e insomnio:

Sleepbot

E por monitorea e descanso di e usuario atraves di sensornan di movimiento y microfono di e aparato.

E ta graba e roncamiento of zonidonan di ambiente pa defini e calidad di soño y ta inclui un alarma cu ta lanta nos si nos a pasa nos ora di descanso.

White Noise

E aplicacion aki ta yuda nos drumi rapidamente atraves di musica y zonidonan relaciona cu relajacion y descanso.

Ta manera cu nos ta den un spa of den un tempel budista Tambe e ta ofrece un alarma suave pa lanta nos den bon beis.

Sleep Better

Tras di analisa bo soño, ta ofrecebo un rutina pa prome y despues di drumi. E ta basa riba e estado di animo di e usuario y den e actividadnan cu esaki ta wordo realiza parti atardi y anochi.

Purba lesa, dal un baño relajante, haci algun tipo di ehercicio suave manera yoga prome cu drumi.

Lo bo wak con rapidamente e nivelnan di activacion cerebral ta descende y con esaki ta repercuta den bo nivel di relajacion corporal.

No obstante, si e insomnio ta persisti, ta preferibe pa bo consulta bo dokter.

PROBLEMA ENTRE PAREHA NA CALABAS A HERA BAY FOR DI MAN CU BATE DEN MAN



Diabierna atardi a drenta informe di un problema entre pareha na Calabas, mesora a dirigi patruyanan di Noord na e sitio.

Na yegada di e patruya nan a intermedia entre e pareha, un di nan a bay keda na su mama te ora e situacion calma y lo no tin pelea mas.



**Pa abona na
SOLO DI PUEBLO**

**Yama
585 9500**
of manda nos un
e-mail na
solodipueblo@gmail.com

Entrega tur dia te den bo
port'i cas



“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.

Salmo: 23

Nos ta anuncia fayecimento di:



Simon Tromp

*02-09-1933 - †10-02-2022

Acto di entierro lo wordo anuncia despues.

Oracion di dia

Un feliz comienso di weekend
yena cu bendicion y hopi confiansa den
nos Bon Dios

“Tur hende ta parti e miho biña prome y despues ora
e hendenan a bebe basta caba, nan ta parti e biña di
menos calidad. Ma abo a warda e miho biña te awor!”
(Huan 1, 10)

Den idioma popular na Aruba nos lo a bisa: you saved
the best for last! Hesus Su mama a bisa su Yiu cu biña a
caba, y despues el a bisa e sirbidonan pa haci loke E bisa
nan. Hesus a cambia e seis tinashinan di awa den biña.

Seis ta e number cu ta simbolisa loke ta incompleto,
pero den e texto aki e di shete tinashi tabata yena caba.
La Birgen ta e di shete tinashi y awe iglesia universal ta
celebra su fiesta, La Birgen di Lourdes. Maria ta papia
cu nos awe atrobe: haci loke E bisa boso pa haci. No
cuestiona Su palabranan, confia y obedece e Maestro y
Rey. Laga nos cuminsa e fin di siman aki cu confiansa
den Su palabranan.

Oracion: Santa Maria, mama di Dios, pidi pa nos peca-
dor. Awor y na ora di nos morto.
Amen

FORTALEZA PA FAMILIA.

Scirbi pa Pastor Marcel Balootje.

FAMILIA PARA DURO Y KEDA UNI



"DUDAS"

Pakiko bo ta duda di mi existencia jen di miedo i temor ta temozabo cuanto biaha mi no a pidi bo confia den mi i asina dunabo tur mi apoyo. Cuanto biaha bo a lubida cu ami tey pa consola bo curason jen di tristesa ora ta orando ami ta sinta mey mey scuchando bo bos pidiendo judansa. Tin biaha mi ta mirabo tur disgusta ni sikiera un bon dia bo ni a dunami pa bo tur cos a bai malo i aki duda a drenta bo curason sin consultami. Mi yiu stima corda cu ami ta Amor mi Paz mi yiu homber a entrega pa kita tur tristesa, miedo i dolor creando speransa pa sigui truinfá. Nunca duda den mi promesanan rikesa i banidad no ta pa eternidad si bo sigui confia den mi palabranan tur bo sonjonan mi lo haci realidad.

" PALABRA DI DIOS."

Duda ta un obstaculo pa ricibi respuesta di nos TATA CELESTIAL.

Mateo 14:31 / Exodo 32:1

Autor: Omaira I. Rodriguez-Britten



Segun 2 Timoteo 3 vers 1-9 pa mantene un familia uni den e tempo aki no ta facil , pero cu yudansa di Dios e mayor por wordo logra, pasobra ta hopi atake a bini riba familia .

E enemigo cual ta e diabel ta buscando tur forma, pa kibra e nucleo familiar.

Cu tur respet pa tur hende nos kier splica lo siguiente y conseha , pa por si acaso como mayor, sea tata of mama e situacion aki presenta na bo porta, bo ta hancra den Cristo Hesus y den oracion pa asina e enemigo no horta bo yiu for di bo.

ORA HOBEN TA CAY CERA ; Na prome lugar nos ta bibando den tempo trabaho- so den cual hobennan no ta tende (no usa pandemia como excuus, pandemia no tin nada di haber cu mucha rebelde) y hopi mucha ta cay den man di husticia, pero corda riba Efesios 6 vers 4 y Proverbio 20 vers 11.

Pero den tur esaki no keda sin bishita bo yiu ora e ta den prison y trata di tur forma pa trece cas bek den amor di familia.

UNION CIVIL

Ta nos custumber di nos yiunan namora (Frey) y casa cu tur luho y detaye, tanto pa Civil como pa Misa (Iglesia), ta alegria di tur mayor , pasobra nan yiu stima a casa. Awor ta posibel Union civil y laga e bendicion di Dios para un banda, y haci manera ta lubida cu matrimonio a wordo institui door di Dios, e ta keda manera coffie sin sucu of un ham and eggs sin

webo (Genesis Capitulo 2 vers 22-25). E derecho mescos cu matrimonio Original , pa Ley y Misa ta estableci via ley. Pero e respet pa Dios si mester permanece. Mayor corda sigi stima bo yiu .No bira lomba pe y pa su decision.

MATRIMONIO DI MESUN SEXO.

Esaki ta un matrimonio entre homber cu homber of muher cu muher, y tambe tin ley estableci cu ta duna nan mes un derechi cu matrimonio Original entre un homber y un muher.

Awor tur hende cu escohe pa un matrimonio di mesun sexo tin cu corda cu den e tipo di matrimonio (relacion) ey no ta existi multiplicacion biologico entre e dos sernan ey. Pasobra Dios a traha homber y muher y Dios a bisa homber y muher pa nan bay y multiplika y yena e mundo. (Genesis 1 vers 26-28).

Pesey ningun mayor no por spera un ni-eto of futuro heredero for di un matrimonio di mesun sexo. Y tin asina tanto discucion den Familia, tin yuinan cu a bay afo casa of ta biba cu hende di mesun sexo y awor nan no por bira cara pa cas di nan mayornan, tin mayor a kibra tur relacion cu nan yiu, hasta tin bisa pa no presenta na entierro di mayor.

Wak e rechaso; Awor mayor bo ta haña ta bale la pena laga satanas horta bo yiu for di bo, por fabor , Pordona, mantene bo yiu den oracion, keda den contacto cune. Pasobra Dios tin e ultimo palabra.




TENE NA CUENTA E USO OBLIGATORIO DI TAPABOCA



7					3			2
		4				1		9
		5	2		9			
	2			1	5		7	
	9		4	7			8	
			7		4	8		
3		2				5		
9			3					1

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

Sopi di Letranan



Across

- 2. Christmas
- 4. ice cream
- 9. to celebrate
- 10. wedding
- 11. a kiss
- 13. to be born
- 14. sweets, or candy

Down

- 1. age
- 3. surprise
- 5. love
- 6. anniversary
- 7. divorce
- 8. to give (a gift)

12. friendship

15. party

AMAR NO ES
SOLAMENTE QUERER,
ES SOBRE TODO
COMPRENDER.

-Françoise Sagan

STOP CU
HUMAMENTO
TIN HOPI
BENEFICIO



Salud



Salud Mental



Financiero